



UNIVERSITÄTS-
BIBLIOTHEK
PADERBORN

L' Histoire Du Vieux Et Du Nouveau Testament

Fontaine, Nicolas

Paris, 1686

David joüe de la harpe.

[urn:nbn:de:hbz:466:1-68433](https://nbn-resolving.org/urn:nbn:de:hbz:466:1-68433)

par une sainte severité celuy qui avoit perdu Saül par la fausse compassion qu'il en avoit eüe. Saint Ambroise dit que cet exemple doit apprendre aux Pasteurs de l'Eglise à n'user pas d'une douceur cruelle envers les pechez representez par les Amalecites, & à imiter plutoist Samuel, qui sans doute avoit plus de charité que Saül: mais qui avoit en mesme-temps trop de lumiere, pour ne pas voir qu'en flant les pechez par une fausse indulgence on perd les pecheurs, & qu'on les sauve au-contraire en guerissant leurs blessures par les remedes d'une austere penitence.

David jouë de la harpe. 1. Rois. 16.



S Saül ayant esté rejeité de Dieu pour avoir esté si L'An
negligent à accomplir ses ordres, Dieu choisit du M.
aussi-tost un autre Roy pour gouverner son peuple. 2934.
Il se servit encore de Samuel pour l'aller sacrer: & Avant J. C. com-1070.

K 3

com-1070.

David
ayant
quel-
ques
15. ans.
& Sa-
muel 85.

comme ce saint Prophete vit que c'estoit bleffer le Roy Saul, & s'exposer à un danger visible de mort; Dieu luy-mesme luy donna des adresses pour élire ce nouveau Roy; & pour éviter la fureur de celuy qu'il rejettoit. Il se servit de l'occasion ou du prétexte d'un sacrifice qu'il alla offrir en Bethléem. Lors qu'il fut arrivé en cette ville il invita Isai pere de David, de venir luy & ses enfans manger avec luy. Il les considéra les uns après les autres, parce qu'il sçavoit qu'il y en avoit un d'eux que Dieu avoit élu pour Roy. Mais il vit bien enfin que Dieu ne s'arreste pas comme nous aux apparences exterieures dans les jugemens qu'il fait des hommes, mais qu'il passe jusqu'au cœur. Car voyant l'ainé des enfans d'Isai d'une grande taille, il crût que ce seroit celuy que Dieu auroit élu pour Roy. Les sept enfans donc d'Isai ayant paru devant luy l'un après l'autre, sans que Dieu témoignast en élire pas un d'eux, il demanda s'il n'y en avoit plus. On luy dit qu'il en restoit encore un petit qui païssoit les brebis. Il le fit venir, & Dieu luy dit que c'estoit celuy-là qu'il devoit sacrer. Dés ce moment l'Esprit de Dieu remplit David, & quitta Saul. Ce déplorable Prince ayant esté abandonné de l'Esprit de Dieu, fut en mesme temps saisi de l'esprit malin qui l'agitoit de fureur, & le tourmentoit cruellement. Cet accident qui fut un juste chastiment de ce Roy ingrat & rebelle à Dieu, & qui présageoit que sa dignité luy alloit bien-tost estre enlevée, fut au-contraire le commencement de l'élévation de David. Car Saul estant tourmenté de ces fureurs, ses Officiers luy conseillèrent de chercher dans son Royaume quelque personne qui jouïst excellemment de la harpe, afin que lors que l'esprit malin se saisiroit de luy, l'harmonie de cet instrument le soulageast & luy rendist le repos de l'ame. Il ne se trouva personne plus habile en cet art que David, qui joignoit à cette science un agrément de beauté qui fit que Saul l'aima avec beaucoup de tendresse, le fit son Ecuyer, & voulut roûjours l'avoir à sa suite. Et toutes les fois

que

que le malin esprit jettoit Saul dans la fureur, David le chaffoit aussi-tost en jouant de la harpe, & délivroit le Roy d'un tourment qui lui estoit insupportable. Les sains Peres disent que c'est une admirable figure de la maniere dont les vrais Pasteurs de l'Eglise representez par David, doivent par la douceur de leurs paroles & de leurs sages discours rendre le calme aux ames agitées par la violence de leurs passions. Saint Gregoire remarque que David eut besoin luy-mesme ensuite, que Nathan fist à son égard en le délivrant de la tyrannie du Demon & du peché par ses sages remontrances, ce que David n'avoit fait qu'en figure à l'égard de Saul, en luy donnant un soulagement court & passager par l'harmonie de sa harpe, qui n'empescha pas que ce Prince malheureux n'essayast de luy oster la vie. Les Cantiques de ce saint Roy sont plus efficaces maintenant sur les ames bien disposées, puis qu'ainsi que remarque saint Augustin, rien n'est si puissant que les Pseaumes de ce Prophete, & cette harmonie divine des veritez qu'ils renferment, pour éloigner du cœur l'esprit d'orgueil, & pour y attirer les graces du ciel.

Goliath. 1. Rois 17.

Saul faisant la guerre aux Philistins, & les armées P'An du M. 2941. Avant J. C. 1062. David ayant quelques 23. ans. s'estant campées assez près l'une de l'autre, Goliath, Philistin, d'une grandeur de corps qui estoit monstrueuse, mais d'un orgueil encore plus grand, vint durant quarante jours insulter aux Israélites, & leur dit qu'il estoit inutile que tant de monde combattist ensemble. Qu'il falloit terminer ces differends par un duel, Qu'ainsi le plus hardy des Juifs n'avoit qu'à venir, pour combattre contre luy. Il accompagnoit ce défy de tant de mépris, que tout Israël ne pouvoit souffrir cette insulte. Mais la crainte de ce Geant, la grandeur de son corps, jointe à l'appareil effroyable de ses armes, faisoit trembler les plus hardis. En ce